


Piksa 1 Narapela rot bilong pamim wara



National Agricultural Research Institute

Pulim Wara: Rop Na Wasa Pam



LUKAUTIM YU YET LONG TAIM NOGUT

NARI TOKTOK SERIES
AIY016P

December 2002

Sapos yu laik save moa long dispela toktok na ol arapela wok bilong NARI, rait i kam long:

Information Centre
NARI Main Highlands Programme
Aiyura Valley
PO Box 384
KAINANTU
Eastern Highlands Province

Telephone: (675) 737 3500/ 737 3561
Facsimile: (675) 737 3516
Email: narimh@global.net.pg

TOK IGO PAS

Wara emi bikpela samting tru i save lukautim laip bilong olgeta manmeri long graun. Long 1997 bikpela san, planti lain i sot long wara na gaden i dai long dispela as.

Bihainim dispela taim drai, NARI i lukluk long ol rot bilong pulim na givim wara long gaden. Em i painim pinis wanpela rot bilong pulim wara we ol i givim nem **Rop na Wasa Pam**.

ROP NA WASA PAM EM WANEM?

Olsem nem i tok:

- ♦ Rop na wasa pam i gat ol wasa long wanpela longpela rop.
- ♦ Na tu igat wanpela paip na wil bilong tanim.
- ♦ Dispela paip i mas sindaun insait long wara.
- ♦ Taim wil i tanim, rop wantaim ol wasa i ron autsait long paip igo daun insait long wara.
- ♦ Taim dispela rop i kam bek antap, em i ron insait long paip.
- ♦ Ol wasa long rop i pulim wara i kam antap insait long paip.
- ♦ Klostu antap long pinis bilong paip, igat hap we wara i kam aut.

- ♦ Long dispela hap, wara iken igo insait long teng o dram istap klostu aninit. Sapos teng o dram istap longwe, wara iken ron insait long ol paip igo long teng o dram.
- ♦ Taim teng o dram i pulap, yu ken kisim wara insait long bucket bilong yusim.

ROP NA WASA PAM I KAM LONG WE?

Ol wokman bilong NARI i bin igo long India long lukim na kisim skul long ol pam we ino hat long man long ples iken wokim na yusim. Bihain long skul, ol i kisim tingting bilong dispela pam wantaim 5-pela piksa i kam bilong traim long PNG.

ROP NA WASA PAM I ISI LONG WOKIM

Yu ken wokim rop na wasa pam yu yet wantaim wanpela olupela taia, wanpela rop, wanpela paip, sampela timba o diwai na nil. NARI i bin givim stori bilong wokim pam long ol lain long Unitech. Ol i ken wokim pam bilong yu sapos yu laikim.

Igat wanpela piksa pam istap long Makham, Laloki na Aiyura. I bai gat wanpela long Bena na Banz long ples bilong ol fama bilong lukim.